



11. august 2016

UKA 2016/57

Inatsisartut suleriaasianni § 33 naapertorlugu Inatsisartut aalajangiiffigisassaattut siunnersuut imaattoq matumuuna saqqummiuppara:

**Naalackersuisut namminersortunngorsaanermut isumalioqatigiissitamik pilersitsinissaannut, pisortat suliffeqarfiit tamakkiisumik tamakkiisumiinngitsumillu pigisaannik misissueqqissaartussanik siunnersuuteqartussanillu suliffeqarfiit sorliit namminersortunngorsarnerinit iluanaaruteqartoqarsinnaaneraniq suliaqartussanik aalajangiiffigisassatut siunnersuut. Misissuineq UKA 2017-mi Inatsisartunut tunniunneqassaaq.**

(Inatsisartunut ilaasorta q Poul Hansen, Demokraatit)

### **Tunngavilersuut**

Demokraatit politikikkut anguniagaraa Kalaallit Nunaat aningaasaqarnikkut nammineq napatittoq, Qallunaat Nunaat-niit EU-miillu aningaasatigut kiffaanngissuseqartoq.

Uagut isitsinnit aningaasaqarnikkut namminersorneruneq isumaqarpoq, sapiissuseqarluni aaliangersinnaaneq inuiaat aningaasaqarnerannut iluaqutaasussamik. Tamannalu eqqartorneqartillugu maannakkumut akimmiffiusarpoq pisortaarfik nunatsinni annertuallaarmat. Aningaasaqarneq nammineq napatittoq namminersorlutik inuussutissarsiorit annertuutigit aallaaveqartarpoq, taamaattumik pingaaruteqarluinnarpoq sinaakkutinik pitsaasunik pilersitsinissarput namminersorlutik inuussutissarsiorit alliaartorsinnaanerinit aqutissiuussisussanik, aammalu tamakkiisumik tamakkiisumiinngitsumilluunniit suliffeqarfiit pisortanit pigineqartut pimooruluugu namminersortunngorsarneqarsinnaaneri marsissallugit pingaarpoq.

Suliffeqarfiit pisortanit pigineqartut politikikkut aaliangersakkanik niuernermiillu pisunik aningaasatigut ppissarsiffigineqartarput. Politikikkut aaliangersaanerit amerlanersaat pilersuisussaataaermit aallaaveqartarput, nunatsinnilu nunassittarnerup avinngarusimaneranut ataqtigiilluinnarluni. Tamannalu isumaqarpoq nuna tamakkerlugu isigigaanni niuerfiit arlaqartut suliffeqarfik ataaseq kisimi inissaqartoq, piumasat atorfissaqartinneqartullu naammaannarneri pissutaallutik taamaasilluni unammilleqatigiinneq atorneqarani. Kisiannili tamanna isumaqanngilaq niuerfik pisortanit matussuserneqarnissaa.

Demokraatinit isumaqarpugut, niuerfik namminersorlutik inuussutissarsiorit isumagineqarsinnaasoq. Misissuinerit misilittakkallu takutippaat pisortanit kiffartuussineq 30%-mik akisunerusoq unammilleqatigiinnermit atugassarititanut sanilliullugu. Allatut oqaatigalugu



aningaasatigut isumatusaarneruvoq unammilleqatigiinneq pilersinneqarnissaa pisortaqarfiit suliamut kiffartuussineranit taarsiullugu. Qularnanngilaq namminersortunngorsaaneq iluatsippat

kingunerissagaa pitsanngorsaanerit piffissarlu ungasinnerusumut pikkorissusermut pitsanngrsaanermut, pissutigalugu suliffeqarfiit niuerfimmit piumasagaasorsorneqalissammata aaqiinerit pitsaanerusut akikinnerusullu kingunerisassaanniik.

Taamaasilluta uuma siunnersuutip qitianut peqqippugut. Demokraatit isumaqarput inuiannut aningaasanik sipaarutaassasoq suliffeqarfiit pisortanit pigineqartut namminersortunngorsarneqarnerinit.

Taamaattorli namminersortunngorsaaniaannarluni namminersortunngorsaasoqarnaviannngilaq. Aningaasaqarnikkut iluanaarutaasumik aallaaveqassaaq. Taamaattumik piumasagaatigaarput namminersortunngorsaaniissamut isumalioqatigiissiatmik pilersitsinissaaq, taamaasillutik pisortat suliffeqarfiutaat tamakkiisumik ilaannakortumilluunniit namminersortunngorsarnissaannut pitsaaqutinik ajoqqutissanillu misissuisussanik. Isumalioqatigiissitattaq innersuussissaaq qanoq namminersortunngorsaaneq ingerlanneqassanersoq.

#### **Aningaasatigut allaffissornikkullu pisortanut kingunissai**

Ataatsimiitsitaliap sulineranut aningaasartuuteqartoqassaaq. Saammaateqatigiinnissamut isumalioqatigiissitap aningaasartuutaannut sanilliullukkaanni ukiumut 2,4 mio. kr-nit naleqassaaq. Demokraatit naatsorsuutigaat isumalioqatigiissitaaq ukioq ataaseq atussagaa, aningaasartuutillu 2,4 mio. kr-niunissaat naatsorsuutigalugu. Aningaasat taamaasillutik aningaasaqarnermut inatsisaat-ni 2017 salliutinneqassapput.

#### **Aningaasatigut allaffissornikkullu namminersorlutik inuussutissarsiortunut kingunissaa**

Isumalioqatigiissitap sulineranut atatillugu soqanngilaq

#### **Aningaasatigut allaffissornikkullu innuttaasunut kingunissaa**

Isumalioqatigiissitap sulineranut atatillugu soqanngilaq

Taamatut oqarlunga Naalakkersuisut akissuteqaatissaat partiillu oqaaseqaatissaanut qilanaarpunga.